

Nikolaus - Verser'e

2013



der
DJK Thannedorf

Inhaltsverzeichnis

Einleitung	(Pawo)	3
Haider Norbert	(Sager Hans)	7
Weixlgartner Stefan	(Mario)	9
Hehberger Gerd	(Ostner)	11
Kagerer Stephan	(Sager Hans)	13
Hartl Patrick	(Grade & Flo)	15
Thalmeier Andreas	(Schaffelhuber & Roth)	17
Lehner Rudolf	(Pawo)	19
Huber Manfred	(Grade & Flo)	20
Münsch Andreas	(Sager Hans)	21
Neumann Tobi	(Schaffelhuber & Roth)	23
Plattner David	(Mario)	25
Ostner Christoph	(Schaffelhuber & Roth)	27
Haufellner Günther	(Pawo)	29
Sager Florian	(Sager Hans)	30
Kapfhammer Christoph	(Schaffelhuber & Roth)	31
Stöttner Tom	(Grade & Flo)	33
Sager Lukas	(Ostner)	35
Stömmer Dominik	(Schaffelhuber & Roth)	36
Rauchbart Sigi	(Ostner)	37
Berger Martin	(Ostner)	38
Sager Hans	(Grade & Flo)	39
Grad Maximilian	(Ostner)	41
Kroiss Renate	(Schaffelhuber & Roth)	42
Läng Mario	(Grade & Flo)	44
Glück Sebastian	(Grade & Flo)	45
Vogl Stefan	(Ostner)	47
Stadler Max	(Schaffelhuber & Roth)	48
Sittinger Michael	(Grade & Flo)	49
Läng Alexander	(Mario)	50
Roßdorf Björn	(Mario)	51
Attenberger	(Schaffelhuber & Roth)	53
Pawo	(Grade & Flo)	55
Schluss	(Pawo)	58

Einleitung

(Pawo)

Ho, ho, ho
Ho, ho, ho,
heit fang moi
ganz klassisch oh

Draußen vom Walde
da komm ich her,
ich muss Euch sagen,
es weihnacht'sehr.

ok, da Schnee geht hoid
no a bisserl o
aber noch'm Kalender
is Weihnachten boid do

Weiße Winterlandschaft woäß i
scho lang nicht mehr,
I woäß gar ned wia lang
is denn des scho her.

Über Stock und Stein is heit ganga
und ned über Schnee
von der ganzen Beidlerei
duad mir mei G'stei voi weh

Nächst' Jahr wird aber
darauf reagiert
und auf'n Schlitten
Ganzjahresteifen montiert

Aber was soids
Hauptsach i bi jetzt do
Die blauen Fleck'
vergangen scho.

Wo is eigentlich
eier Burgermoasta
Josef Griabe,
moani hoäßt'a

Des is scho
seltsam jedes Jo
Kaum hört er mi,
duad er auf und davo

Heier woid i earm
a moi die Leviten lesen
I glaub s'wär für Eich
bestimmt lustig gwesen

I hob ja a g'hört,
er duad nimmer kandidieren
und mecht nur no
im Hintergrund agieren

Er hod sogar sei Amt
im Gemeindeblattl inseriert
Damit a Nachfolger
schneller g'funden wird.

Do kennt's earm aber glei moi
vo mir berichten
dass er a nächst Jahr duad lesen
die Thanndorfer G'schichten

Er braucht se goa eibilden,
dass des a andrer macht,
wer woäß denn, obs der
genauso guad macht.

Jetzt brauchts ihr aber
nimmer z'lang warten
i dua glei mit de
Spieler starten

Aber oa G'schicht
muaß ich scho no verzaih'n
Glaubt's mas
de is wirkle zum Blearn

Fast a ganz Jahr
is jetzt **her**
ihr ward's im Oiaschbecker (Aldersbacher)
Bräukeller

Ihr habs g'essen und drunga
von oben wars sche zum sehng
Jede Menge Bier is g'flossn,
grad sche is gwen

Für zwoar Jungegebliebene
wars ja b'sunders sche,
i bin mir sicher,
es kennt's es eh

D'Wasche und Gerlinde
so hoäß'n die Beiden,
des Bräustüberl wird eahna
no lang in Erinnerung bleiben

Ihr Motto: „Mit Weißbier oder Hells
iss ja goa nix gwunga,
wenn, dann g'hört scho
a Bockbier drunga.“

Der Abend nahm sein Lauf
und ging irgendwann zu Ende
An der frischen Luft kam
dann die Wende.

Mit'n Bus ham's die beiden
no zum Fuaßboihäusl g'schafft
aber dann hod der erste Mong scho
Platz verschafft.

Gerlinde mit'n Gschirrkorb in de Händ
is's vom Bus ausse ganz g'schwind.
Weil's aber z'langsam war,
hod's einfach drüber g'spimm

D'Wasche ist sogar noch
bis ins Bett nei kumma,
doch dann hat a do
der Bock seinen Willen bekumma

Dass beim Bock oa Mass besser is
als zwoa oder drei
wird dene zwoa
sicher a Lehre sei.

Aber jetzt dua wirkli
über Fuaßboiner red'n
moi schau'n, was ham mir
die Engal do geb'n

Von oben war sehr
ja vieles zum seh'n
was in 2013
iss so alles g'scheh'n

Haider Norbert

(Sager Hans)

Afanga derma,
wia soid´s anders sein,
mim Präse vo
Eurem Verein

Von oben dua I des
Alles sehn,
dass de Verserlschreiber
im koidn (kalten) Haisl sand gwen.

Da Pawo hod di no frogt
Dads du bittschön d´Heizung einschalten,
damit wir am Montag ned sitzen
so ganz im Kalten

Koa, Problem,
do kannst Di verlassen auf mi
Gott sei Dank is da Pawo
a Stund davor no zum Haisl

Oder woids Du nur
Heizkosten sparn
weil´s letztes Jahr
zwoa moi zum Tanken war

Aber i bin scha froh,
dasss dei Haus ned hosd vergessen,
weil im Firstbier ,
hamma alle sauber drunga und gessen.

Nur midm Firstbier is hoid ned
fertig de Hausbauerei,
so brauchst no länger
des sog i dir glei!

Oftmals bist a wia
a junger Bua,
weil do griagst beim Furtgeh
gar nimma gnuar

Um hoibe 6e ruaft er
d Mama o,
Obs`n ned vo Köching
abhoin ko.

Für's Autofahren
war a ned dei Jo,
zwoa Reh auf zwoa wochan,
wer kann des scho

Dei Auto hättst scho
richten lossen kinna,
sonst geht's ja irgenwann
gar nimma

Mir hamma g'seng
pressiert hods da des Jahr ned,
ned dass da nächstes jahr
wieder so geht

Und wenn da Haider
moi s'Dringa organisiert
do kannst drauf wetten,
dass nix ausgehn wird

(Pawo)

Kauft so vui Hugo ein,
dass d'Kühlung is voi
und man nimmer woäß,
wia man's stapeln soi

Dass'd es guad moanst mit de Frauen,
is mir scho klar.
Aber glei sovui
is scho a wenig sonderbar

Weixlgartner Stefan

(Mario)

Da Weixlgartner Stefan
unser 2. Vorstand,
von dem gibt's heuer
auch mal Allerhand

Erst muss ich euch noch
etwas Positives berichten,
dann gehts zu de
interessanteren G'schichten

In sei neis Amt hod er se scho
guad eingebracht
Und scho allerlei zugunsten
des Vereins gemacht

Egal ob Training, Spiele
oder beim Arbeitsdienst
Verlass aufn Stefan
is dabei gwis.

Auch ansonsten is der Stefan
a sportlicher Ma
Fangd se er doch immer wieder
tapfere Radtouren a

So fod er mid seim Radl
de Pyrenäen auffe und obe,
wie bei da Tour de France
oba ohne Doping, ge'!?

Oba ned nur loben für olle guadn sachen,
na na dreimal dürft ihr Raten...
Richtig, jetzt keman nämlich
seine anderen Taten

Bei da Dorfmeisterschaft
heia im Summa,
hosd da du den Dressndienst
agnumma.

Fleißig des Geld vo de Mitspieler eigsammed
fürs Waschn vo de Dressn
Oba hibrocht hosd das da Renate nimma,
des hosd vogessn

Am nächsten Dog muaßd ja
a bissl länger schlofffa,
doch wiasd in da Fria ausegschaid hosd
do häds di boid droffa

Die Andrea war so freindlich
und hod da Tasch'n ausm Auto do,
und de Dressn hods glei midgwoschn,
wenn er's dabei hod da Mo

Jetzt bin i nur g'spannt,
wos mid dem Geld bassiert is,
d' Renate hods ned griagt,
des is amoi gwiss

Vielleicht in da Andrea
Ihrer Haushaltskassn
Oda hosd das investiert
beim Wirt in a boa Massn??

Weil do kema scha zum nächsten Punkt,
den ich muas berichten,
liefert doch da Stefan beim Wirt
so selten oi Gschichtn

Denn is er amoi am Sonntag
mit da Hand am Maßkrug,
nimmt er sicherheitshalber
am Montag an späteren Zug.

Hehberger Gerd

(Ostner)

Da Hehberger Gerhard, unser Trainer,
der is an der Reih
dem foid immer wieder
wos Neis für seine Spieler ei

Er hod vor da Pause
gschaud das Koana faid (fehlt)
und hod spieler,ja sogar vorstand,
auf d'Waag auffe g'staid (gestellt)

Jeds Kilo mehr im Winter
kost jetzt 5 EUR in d'Spielerkasse
s'Geld fürn nächsten ausflug
habts scho sicher in da tasche

Aber heuer muaß i a
moi schimpfa midm Gerd,
ja wos hob i da vom
Aidenbacher Volksfest g'Herd?

Kameradschaft und Teamgeist
steht für di immer an erster Stell
doch kaum kimmd a Frau daher
da wird da Gerd ganz schnell

Deine Spieler ham
di in da Kält'n verfluacht
du host da ja
aloo a warms Platzal gsuacht

So viele Verletzungen
wer hätt des gedacht
da Gerd hod wieder de meiste Zeit
an der Auslinie verbracht

Oba des Ausruan des
is jetzt vorbei
Schlupf moi wieder öfters
in deine Fuasboischua nei

Aber seit a paar Wochen
bist du wieder voi dabei,
jetzt g'spürst a wieder selber
dei Schintarei

Um eher fertig zum werd'n
wird Freitags jetz scho um halb Sieben trainiert,
An Gerd des aber
ned wirklich intressiert

Des Training dauert weiterhin
mindest bis um neun
i glaub deine Spieler dern
den Vorschlag jetz scho bereu'n

In da Rückrund'n hoast's jetzt;
die Punkte hoin
mia woll'n ja ned
in d'A-Klass' obe voin. (fallen)

Dass ma mid dir
de Punkte ned wern besorgen
Do mach i überhaupt
no gar koane Sorgen.

Zumindest dua i's
heid no ned
moi schau, wia's noch'n ersten
Spieltag steht.

(Pawo)

Kagerer Stephan

(Sager Hans)

Kage du bist
immer unsa Mann,
wenn ma mi a
Veranstaltung hamm.

Heier hosd
selber oane g'hobt,
du host g'heirat wo fast a jeder
so richtig gsuffa hod.

An dein Hochzeitsdog iss
in da Früh scho anganga,
weils Hochzeitsauto
is ned ganga.

Hättst da Du ned gschaud
um so an alten Karrn,
da wär dir dablimm
der ganze Schmarrn.

Pflastert hosd heuer
auch vor deem Haus,
weil des mim Dreg des mengan (mögen)
d`Frauen ned, do iss ja ganz aus!

Frei g'numma hosd da a Stund
von deiner Arbeitszeit,
dass'd Pflosterer in da Fria
wern richtig eigweit

Du host erna erklärt
groß und breit,
wie des ausschaun soll
auf d'Nocht heit.

Hoam kema bist
dann auf d'Nocht,
bloß hod die Einweiserei
ned so viel brocht.

S`Pfloster is ned g`leng,
so wia`s es kehrt,
sondern foisch
und richtig verkehrt

Du host as dann
glei wieder aussa da,
weil des aufs erste moi
ja ned glei a jeder ka.

Los da song,
mei liaba Mo,
nächstmoi erklärst es so,
dass a a anderer s`versteh ko.

Hartl Patrick

(Grade & Flo)

Unser Captain vo da Erst'n,
31 is der scho,
also im fortgeschrittenen Alter,
der oide Mo.

Falls mal zum Feiern is,
also rein sportlich gseng,
duad des da Patrick
a recht gern meng.

Des war nach dem Massingspiel,
da warts echt ned schlecht,
und habts dann beim Wirt,
natürlich sauber gezecht.

Aber wenn die Theresia sagt,
Wir fahren jetzt heim,
dann darf der Patrick,
auch nicht länger bleim.

Drum hast da du,
um an fähigen Partner gschaut,
und hosd dann natürlich,
unseren Oisse ag'haud.

Zum Münsche hast gsogt:
„Oisse du musst
jetzt fia mia b'stain,
Theresia losst mi nima,
sunst griag i no a Schain. (Schelle)

Da Klünsch hod des wie erwartet,
a ganz souverän gmacht,
und da hat an Patrick sei Herz,
ganz schnell wieder glacht.

Wos du fia oan g'hobd host,
hod ma später erst g'seng,
ned moi de Mannschaftsaufstellung,
host du no wissen meng.

Patrick, iatz sog i da no oans:
„Des nächste mal wennst
de Aufstellung nimma kannst aufzain,
dann duasd 10 Maß einestain.

„Des gilt beim nächsten mal,
Münsche pass auf!
Und aufschreiben
ist nicht erlaubt“

In Urlaub fahren,
des duasd du a recht gern,
a zum Wellnesen,
wos ma so duad hern.

A langes Wochenende,
warts ihr dann weg,
jedoch bist du zruckkema,
mit am ganz schena Fleck.

Der Fleck wird in Fachkreisen
auch Herpes genannt.
weiter Details sind uns
leider nicht bekannt.

Wie des passiert is ,
mecht i gar ned wissen.
Ich hoff du hast gegenüber der Resi
koa schlechts Gewissen.

Thalmeier Andreas

(Schaffelhuber & Roth)

Nun zum Torwart
von da Mannschaft,
mit dem mach ma iatz mal
bessa Bekanntschaft.

Thalmeier Andreas
des is doch klar,
a der hod wieder wos
ag'staid des Jahr.

Beim Zündeln is er
ned recht guad,
do hod so mancher
kod a Wuad,

Den Hans hod er brennt
an sein'm Finger;
der hod glei g'schrian,
dass'd das g'hört hosd bis noch Minga.

An Atte hods
über da Lipp'n dawischt,
der hätt an Thale
fast oane gwischt.

Drum her auf
mit deiner Feierspaierrei,
do kimmt grad a Schmarn aussa
mit eich drei.

Am bankal hosd moi wieder
Schwäche zoagt,
vor lauter Hunger,
hosd da koa Bier mehr oigschwoabt.

Du hosd so vai Hunger
hosd oiwei gsogt,
ob ma zum Wirt gehngan
hosd oiwei gfrogt.

Letzt endlich beim Wirt
do hods nix ma gem,
do kann man dann a mit oana druckan
Semme von der Wirtin lem.

Danoch hods dir dann a wieder
recht g'schmekt,
dann hods den Durst wieder
in dir g'weckt.

Im Fuaßboi, wenn er moi
laut schreit,
dann woasd genau
do feids ned weid,

Doch is a stad
und schreid ned laud,
dann hams na sauba
aufekaud.

Des Ellenbogenköpfchen
hosd da prellt,
do host dann glei moi
nimma gspaid.

G'jammert hosd do
ganz sche vai,
dafia is wida ganga
doch recht schnai.

Trotz allem hoidsd
dein Kasten recht dicht,
das ging ohne eine
guten Torwart nicht.

Mir samma froh
um so an Mann,
auf den man einfach
zählen kann.

Drum Andreas
wünsch ich mir,
bleib in thanndorf denn dich
brauchen wir.

So iatz is mit dir
a scho wida a Ruah,
über di hamma jetz
g'schmatzt gnuua.

Lehner Rudolf

(Pawo)

vom Lehner Rudl,
is jetzt a no die Redd
dass er owei no spait
do hätt i nix verwett

Mit da Gicht do hod er
Probleme g'habt
dass erarm Fiaß weh do ham
ned nur in der Nacht.

Obwoi i letzts Jahr gsagt hob,
er wär a oids Fossil,
lasst er ned nach
und is immer no agil,

Auf earm ist einfach
immer Verlass
und macht so junge Stürmer
ganz sche no nass

Huber Manfred

(Grade & Flo)

Da Huber Manfred,
wo sitzt er denn?
Hat bestimmt scho a Weißbier in da Hand
so wie i earm kenn.

Aber a in da Vorbereitungszeit
soid ma nix dringa,
da kann unser Manfred
ein Lied davo singa.

Gega an A-Klassisten
derf ma ned 5:1 verlieren.
Des derf a in da Vorbereitung,
ned passiern.

Aber wenne unsere Spieler,
vo oben so zua g'schaut hob.
Nüchtern war fast koana,
an dem oana Dog

Auch du lieber Mane,
warst da auch gut dabei.
und auch nach dem Spiel,
wars leider na ned vorbei.

Beim Heimfahren, hats da
immer no ned guad ganga.
Und hast miassen speim,
über de Straßenleitplanga. (Leitplanke ;))

An sechan Guß ,
hast du ausalossn.
Das bestimmt alle Maulwürf
unter der Erd hast erschossen.

Mit da Ramona warst heuer
a no in da Türkei.
So wie i die kenn ,
hast 10Liter Sonnenmilch g'habd dabei.

Hoam kemma bist,
ganz Wuzerl braun.

--- Pause---

Na na ,i moan scha d'Ramona,
brauchts ned aso schaun.

Des mit deiner Verletzung,
habe g'hörd ganz ungerne.
I wünsch da guade Besserung
und i hoff es duad boid wieder wern.

Mit deem g'rissna Kreizbandl,
brauchst de jetz no ned schicka.
Aber z'lang brauchst a ned warten,
sonst schick i an Münsche zum Flicka.

Münsch Andreas

(Sager Hans)

Andreas Münsch
Ist nicht nur in Thanndorf bekannt,
an Oisse kennd ma
im ganzen Land.

Nur in da Schui
do kennans'n nimma,
weil do kimmd er
oiwei einfach nimma.

Doch de Schui derfads'd
scha a weng ernster nehma,
sonst lernst mi moi so
richtig kenna!!!!!!

Des mid de Richtungen nimmst
a ned so genau,
fohs'd Richtung Pocking obwoi du muasd
auf Schönau.

Am letzten Spieltag hosd'as
a ned so g'nau g'numma,
und bist ned richtig
zum Spia (Spiel) akumma.

Obwoi du ganz genau woast,
des is gwis,
dass Altötting ned
Massing is.

Im Jungsellnabschied
vom Vogl Stefan, des is klar,
do is natürlich
da Münsche mid fohn dra.

Gepäck hod er denkt,
des brauch i ned,
weil mit'm Schleppen
des is ma z`bled (blöd)

Nur an Kasten Bier
hod er do braucht,
weil earm des Saufa
doch immer so daugt.

Münsche jetz loss ma's
wieder bleim,
weil du host so gschimpft,
weil ma imma über di so vui schreim.

Neumann Tobi

(Schaffelhuber & Roth)

Jetzt is amoi
a Wurtschbua dro,
da Tobi Neumann,
der is doch da?

Mit 17 is er
scho dabei,
In Mannschaft eins
und auch zwei.

Beim Fuad geh
gibt er a recht Gas,
mit earm is des immer
a Riesenspaß.

Überdreim duad er
a recht gern,
dann segt a oft a moi
nur no d'Stern.

In Thanndorf
an dem Sonnwendfeuer,
do war erm de Sach
aber nimma geheuer,

Unterm Grill is er
um Zwölfe scho g'leng,
weil do ham seine Fiaß
scho nimma meng.

Da Fons war no do,
des war sei Glück,
der hod'n dann hoam bracht
in oam Stück.

Eine g'foin is er ins Haus,
und gschlofa hoda ohne dass er
ziehgt wos aus.

Im Platinum mogsd das oiwei
recht wissen,
doch dann am nächstn Dog,
plagt di scho oft des G'wissen.

De zamglaubt'n Birn im Hof
auf da Beng,
des hosd ned länger
do om steh seng meng.

Dann hosd das bagt mit oam Sitz,
das ois am Bod'n liegt, des is gwis.

Die Mam war am nächstn Dog
ned begeistert,
aber wias'd de G'schicht g'hört hosd,
hosd gschaud recht entgeistert.

Fuaßboispielen
duad er scho lang,
des spant ma weil
der Bua wos kann.

A wichtigs Tor
hod a a scho g'schossn,
des hod er beim Wirt
glei sauba begossen.

Trotzdem muasd di
weida einehenga,
sonst wird di da Gerd
demnächst recht sprenga.

So des glaub i,
wars von dir,
nur eine Bitte dring ned immer
so vui bier.

Plattner David

(Mario)

Da Plattner David
unser ewiger Invalide
Is zum Heislma woarn
und a na grundsolide

Wergln dahoam bis um
12e auf Nocht
Damit earm Simone fürs Nixdoa
ned die Hölle hoäß mocht

Am Freitag auf Nocht denkt er,
Fuadgeh muas ja ned sei
Kimm'd am Samstag in der Fria
ja da Fliesenleger vorbei,

und dass de ganze Sach'
a wenig gmiadlich oblaufft
ma unter der Arbat scho moi
an Kasten Bier zamsauft

Auch in der Küche is der David
sehr begabt.
Doch bei manche Sachan
er se dann doch no recht plagt

Lieber David:
Hat man geschnittene Chilis mal in der Hand
das weiß man doch echt
Dann fasst man sich sofort
ans Gemächt

Wensd das dann a
unter fließendes Wossa hoidsd
Die Linderung kimmt erst noch a Stund,
wiasd das woidsd

Bei deem Fuaß hosd a neue
Behandlungsmethode probiert
A sogenannte Stoßwellentherapie
hosd do griagt

Doch wos muaß i do vor kurzem
in der Bildzeitung lesen?
Is des doch gega Impotenz
a Behandlung gwesen

David, David
a Frage stellt se do mir
Is do ois korrekt obglaufa
so bei Dir?

Gibt's in da Orbat amoi
a problem oder Fragen
Do brauchan de Leid auf gar keinen Fall
groß verzagen

Do sagst Du einfach,
I bin Eich ned bäs,
Ruaf mi einfach a
auf meiner E-Mail Adress

Ostner Christoph

(Schaffelhuber & Roth)

Fuad geh duad der
nimma z'vai,
da Christoph Ostner
kimmd ins Spai.

Du bisd zu brav
des sog i glei,
do wad ma fast
nix mehr g'foin ei.

Mia kimmt's so vor,
als dadsd gern kocha,
weil beim Fuadgeh
hosd imma an deem Dägl g'rocha

Im Openair warsd
vorn dabei,
weil der Dägl war oiwei
an deem Mei.

Obschmecka
des duasd du,
sonst loss'd da de Sach
go koa Ruh.

Der Jacky und des Cola
miaßn bass'n,
bevor der Dägl kimmt
unter d'Massn.

In Nürnberg im Junggesellenabschied
warst a dabei,
do habts g'scheid g'suffa
sogs na glei,

Do wars recht sche
des is ma klar,
Doch am nächten Dag, am Bahnsteig
wos hosd denn do da?

Der G'schmo im Mei,
der hod ned g'schmeckt,
do hosd da glei
s'Zahnbiaschdl eigsteckt.

Do wern de leid
g'schaut hom recht,
weil de Aktion
de war ned schlecht.

Am Bahnsteig segt ma
des ned oft,
drum wern de leid hom
ganz sche g'locht.

De Leit warn dir aber
total egal
bei son'm Gschmo im Mei
host koa Wahl

Von meiner Seit'
is jetz goa,
oba ebs muas i da
na song davor,

Stell nächsts Jahr
wieder mehra a,
dass i ned schrei'm muaß
ewig dra.

Hauffellner Günther

(Pawo)

Da Haui iss jetzt
als nächster dran,
des is der, der immer hod
seine Birkenstock an

Er wird ja nächst Jahr
50ge scho,
des segt ma earm
wirkle ned o

Im G'spei kann man se
immer auf Di verlossen
und beim Wirt wird dann
a Gin-Cola-Vasen genossen

Er is a Vorbild beim G'spei
in der Zwoatn,
ausser der Sieg
lässt auf sich woartn

Denn wenn's moi
ned lauft ganz so guad
dann steigt bei Dir
innere Wuad

Dann wird a jeder Fehler
laut kommentiert
und mit'm Schiri
ewig diskutiert

Und weh Dei Teamgeist
is dann ned do
dann gehst an Kapfe
a no o.

Jeder Pfiff vom Schiri
wird kritisiert
und zwar solange, bis er
a Gelben Karten kriagt

Dann hod er erreicht,
wos er hod woin,
und kann zur Strafe beim Wirt
a Vasen zoin.

Sager Florian

(Sager Hans)

Florian Sager
is doch klar,
ist Thanndorfs großer
Fußball-Star

er kämpft und werkt
so wie sichs ghört
da gibt's gar nix
was uns stört.

Mecht man erm
jedoch sei Taxi nehma
Lernt man erst
so richtig kenna

S' Diskutieren
is erm dann z`dumm,
er haud sein Gegner
einfach um.

A in der Stadionzeitung kann man lesen,
wie andere schanzen und a spinna',
nur seine Gschichten, de
vermisst ma imma.

Kapfhammer Christoph

(Schaffelhuber & Roth)

Natürlich hob i a
über den Nächsten aboa G'schicht'n,
de werd i eich a jetz
glei berichten.

Als nächsts is da Kapfhamer Christoph
an der Reih,
ebs astellen duad er
nämlich ollerwei.

Oa moi hods erm
recht pressiert,
dann hod er koan Parkplotz
in da Arbeit mehr griagt.

Do denkt er se
do stell i mi ins Parkhaus ei,
werd scha ned
eba spanna glei.

Sei Idee war
go ned schlecht,
doch leider is des Sach
ned guad und recht,

Dann hod a griagt an Zett'l
mit na Straf,
weil er do drin
ned parken darf.

Als Betreuer is er
bei jedem Spiel dabei,
Agrat wenn er raucht
muaß er oiwei ins Feld nei.

Am schnellan is er
ned beim Mann,
dafia versorgt er de Spieler mit Liebe
so guad er kann.

Bei Autofahr duad di ebs
ganz furchtbar störrn
weil Agurten duast di du
gar ned gern

Weil earm der Piepton
ganz narrisch mocht.
wird se aber ned a'gurt
sondern s'Radio lauter g'mocht,

Fifa-Zocken
duad er recht gern,
doch der Sieg bleibt
meistens fern.

Drum übt er jetz scha
ganz sche oft,
aber, ob des sei Leistung
dann bessa mocht?

Des bleibt de Frage
an dera Schtai (Stelle),
Fifa is hoid einfach
ned sei G'spai.

Allgemein hosd des Joah
guad gmeistert,
In Zukunft mit Sicherheitsgurt
dann wär begeistert.

Stöttner Tom

(Grade & Flo)

De Stadionzeitung duad er designen
und des recht guad.
Aber so brav is er gor ned,
wie er immer duad.

Da Stöttner Thomas ,
geht ned oft zum Wirt.
Aber einmal war er
und da hatts erm fei ned pressiert.

Zu da Gerti hast gsagt,
du fährst nur schnell zum Essen hin.
Auf a boa hoibe,
bist dann hinten blim.

„Um hoibe 7e,
bin i spätestens bei dir,
des wern sicher ned mehr,
als wie zwoa Bier“.

Leider is dir dein Plan,
ned ganz aufganga,
es is doch da nächste Tag worn,
bis du bist hoamganga.

Dei Freindin hod scho g'moand,
es is dir wos passiert,
und hod scho,
mid an Haufa Leid telefoniert.

Hoffentlich is meim Thomas nix passiert,
hatt sie nur g'hofft.
Dawei sitzt du beim Wirt
und hast da de 7te hoibe a'gschofft.

Gott sei Dank,
hod dir ja nix g'feid,
nur die Freindin,
kann oam doa Leid.

Überrascht host as dann,
um oans in da Fria,
und in da Lätsch'n,
mit deine 11 Halbe Bier.

Dei Freindin hod se dann,
ned sonderlich g'freid,
und hod nur gmoand,
wos dir eigentlich feid.

Dass di na reingelassen hat,
kannst von Glück sagen,
aber des hast eh büßen müssen am nächsten Tag,
mit deem schlechten Magen.

Dei Freindin hod di dann,
aber sauber rasiert,
Do war dann koa Wunder,
dass ma di lang nima gseng hod, beim Wirt.

I hoff für deine Freundin,
is des jetzt wieder vergessen,
dann kannst ja wieder kema zum Wirt,
grod schnell zum Essen.

Sager Lukas

(Ostner)

Jetzt wird's königlich
liabe Leid
um an Sager Lukas
geht's na heid.

Koa Prinzessin hod
er si g'schnappt,
na, mid da Weißbierkönigin
hod's klappt.

Vui unterwegs
warns de Zwoa
do war immer
vui zum doa

Vom Fuaßboi gibt's
leider ned viel zu berichten
warn ja immer
Deine Schultergeschichten

Vo da Beng oba
gfoin im open air,
scho wieder is aussa ghupft,
es war scho nimmer fair

I hoff du greifst
boid wieder o.
Aber, an Hubschrauber
brauchma fei nimma do

Stömmer Dominik

(Schaffelhuber & Roth)

In Thanndorf hamma an neia
Schiri seit dem Jahr,
da Stömmer Dominik
is ja klar.

Ganz sche lang hod er
dafür braucht,
des hod earm manchmoi
g'schlaucht.

Schimpfa muaß i di
jetzt sofort,
de Aktion in Arnstorf
de war hoad.

Oba mit dem loß i
di glei in Ruah,
weil dableckt hams di da
eh scho gnuah.

In Weigendorf
do hosd guad g'langt,
beim Hoamfohn hosd a du des
a selber g'spannt.

In Malgersdorf gengan de Kirchaleid
an dir vorbei,
wia du grod wieder ausalost
an Haufa vom Mei.

Danoch war oba
no ned Schluss,
Weil des Frühshoppen
war für di a Muss.

Drunga hosd
sofort a Maß,
und gsunga hosd
wia namoi was.

Trotzdem is mit dir
recht sche,
du duasd des Fuadgeh
recht versteh,

Singa duasd
sowieso oiwei,
und de andan
sand dann sofort dabei.

Mit dir wars des jetzt
a scha boid
Bleib so wiesd bisd,
dass mas schreim leicht foid.

Rauchbart Sigi

(Ostner)

Jetzt zu oam der wieder
richtig Spaß am Fuaßboi g'fundn hod,
vom Rauchbart Sigi,
vo dem red i grod

Nur mid de Bälle do
hoda no so sei Problem
hoda scho in zwoa spiele
zwoa Bälle dadrehn

Midm Moped fohst
natürlich a no recht gern
zum Glück bleim zur Zeit
de schweren Verletzungen fern!

Des Moped hod
da Sigi so lieb
er nimmts sogar in Woid
zum Schlammbaden mid

Du host as bei da Ausfahrt
Kopf über im Schlamm versenkt
dass ma des do nammoi rausbringt
hätt z'erst koana denkt

Berger Martin

(Ostner)

Da Berger Martin, owei unterwegs
do mecht ma eigentlich moana
der kennt die Navis
wie sunst koana

Da Martin woid mit'm
Mario nach Minga fohn
doch die Routeneingabe,
deis erm ned so grohn

Bei da Abfahrt versucht er
vergeblich München einzugeben;
aber Martin, mit da Österreichkarten
suchst Du des vergeben

Er is ja a des Öfteren mal in da Schweiz
da iss erm doch glatt passiert,
dass de Grünen hom earm
auf Drogen kontrolliert

Er hod si nur denkt,
warum agrad i?
aber mit dicker Hoiskett'n,
Unterhemd und Sonnenbril'

Kurzer Hosn und zerzauste Hoa (haare)
am Steuer
des wad ned amoi mir, an Nikolaus,
so ganz geheuer

An Techniker machst
jetzt a scha a ganze Weile
sogar des mit de ganzen Prüfungen
hat da für dich so seine Vorteile

Denn g'feiert wird **jede** Prüfung,
a unter Woch, wenn's muaß sein
6 Hoibe auf die Schnelle
des is ganz lustig, a ganz allein.

Sager Hans

(Grade & Flo)

Am Sonntag beim Wirt,
da hast du dein festen Platz,
da Sager Hans,
eh klar vo wem i do schmatz.

A du duasd Fuasboi spain,
des seg i gern,
aber Leid passts auf,
wos i do miaßn hob hern.

Unser Hans,
ja der war in Köching fuad,
und hod ganz süß geträumt,
Sonntagvormittag man ja sunst nix duad.

Du hast geträumt,
dass du muaßt Fuaßboispain,
und host a no g'sagt,
jawoi auf mi kinnts zain.

Da Flo oda da Lukas,
hod di im Traum dann g'fragt,
und du hast aber nimma gwisst,
wem du hast dann zuag'sagt.

Wia du dann irgendwann
amoi aufgewacht bist,
host as aber dann,
nima so gnau g'wisst.

War des jetzt nur,
so a bleder Traum,
oda musst du jetzt wirkle glei
dann zum Fuasboi schau.

Mittag war da
scha a Zeidl vorbei,
dann hast an Flo g'fragt,
ob du bist im Kader dabei.

Da Flo hat dir dann
a na sicher g'sogt,
„i war ned bei dir wegam Fuasboi,
wahrscheinle hod di koana gfrogt“.

Du hast di dann na a weng higlegt
und gruht aus,
aber auf oa moi steht da Bab vom Flo und Lukas,
bei dir im Haus.

Der war ganz erstaunt,
wie er di schloffa hat gseng,
de Thanndorfer hättn di ja,
scha am Platz steh seng meng.

„Da Flo hod doch gsagt,
i bin gar ned im Kader dabei.
des is doch vom Flo,
echt a Riesensauerei“

Lieber Hannes:

Da Flo hat auch von der ganzn
Geschicht nix gwisst.
Da Lukas war der,
der dich hat vermisst.

Da Lukas hat dich nämlich besucht
und g'sagt dass'd spielen musst.
Aber du mit deem Saurausch
hast as 2 Stund später nimma gwusst.

Grad Maximilian

(Ostner)

Beim Grade is jed's Johr
schwer zu berichten
der bringd ja fast jeds
Wochenende saubane G'schichten

Do woäß ma gar ned
wos ma für oane nemma soi
sunst is ja glei des
ganze Biache voi

Ois ersts is aber no zum Erwähnen,
da Grade, der is jetz Kassier
der nimmt jeden Spieler
ganz genau ins Visier

Der ein oder andere
überlegt sogar scho
ob ma des mit de Strafen ned glei
per Flat recht mocha ko
(nikolaus schaud pawo an)
Gell Pawo!

Selber hodas anscheinend
recht dick in da Tasch'n
er hods se bei Rock im Park
für 150€ Long Island aussalassn

Oba wia soids denn
a anders sei
es gibt no a G'schicht
vom Grade und da Saufarei

S'Christbaum versteigern
des steckt erm im Blud
do schmeckt am Grade da Gin
besundas guad

Heuer moane hoda oba
a wenig zvai dawischt
ned moi oa ganz' Bier
hoda danach im Monaco no zischt

Aber midm Max
loss' mas jetz sei,
No a guada Rat:
„Schlaf beim Furtgeh ned oiwei ei“

Kroiss Renate

(Schaffelhuber & Roth)

Jetzt kema zur Ältesten
do herin
wer kunnt des sein
überlegs a moi gschwin'

Kann ja nur sei,
d'Renate Kroiß,
Sie is nämlich
unsa Frau für Ois.

Fleißig is scho
oiwei g'wen,
dass sie moi nix duad
werds so schnell ned gem.

Doch ned ois hod mit
da Arbeit zum doa,
Fortgeh duads gern,
bis es is goa.

Beim Wirt lossts es
oiwei recht gracha,
des muaß ihr erst moi oana
noche mocha.

An Willi mogs
am liaban dringa,
den wenss nimma gem dad,
des dad ihr ganz sche stinga.

A Floschn mit ihr
is oiwei glei laa,
vai Willi dringa
foid ihr ned schwa.

In d'Winterlust auf Mariakircha
woids a,
doch wa leider koa parkplatz
mehr da.

Do hod's se schnell
umentschlossen,
und is mid de Kammerls
auf JoKi geschossen.

Bei Bekannte sand's
spontan dann taucht auf,
und der Nachmittag nahm
weiter seinen Lauf.

Natürlich hams do a
aweng ebs drunga,
und do is d'Renat
auf da Wolke 7 gschwuma.

Doch man kann ned immer
grod kritisch sei,
guade Sachan
sand oiwei dabei.

De Kabinen putzt's
oiwei blitz und blank,
für des scho moi
an großn Dank.

A im Kiosk hods immer
ois im Griff,
den Kaffee und de Wurschtsemmeln
machts oiwei frisch.

De Dressn bring ma ihr oft
a moi recht drecki,
aber wenn mas wieder griang
is heraus a jeds Flecki

So vei Stunts hosd des Jahr
gar ned brocht,
sonsd wad ma do
bis moang auf Nocht.

Mach weider so
wie dieses Jahr,
dann lob i di
a nächsts moi, klar.

Läng Mario

(Grade & Flo)

Der jetzt drankommt,
vo dem gibt's fast koi Gschichtn.
Aber des bisserl, was i hab,
des dua i eich etz berichten

Dass da Mario immer seine üblichen Reisch hat,
des is an jeden klar,
So ebs richtig Bsundas passiert,
is aber nix des Jahr.

Wer's na ned mitbekommen hat,
da Mario is nach Arnstorf zong.
Zu mir hast gsagt wegen da Arbeit,
aber i glaub des war glong.

3x in da Woch stehst
im Monaco beim Schwoam,
nur deswegen bist in Arnstorf
damit's z'Fuaßgeh konnst hoam.

Des mit de Trainingsanzüg
hast super organisiert
des einzige Problem is
dass an Oswald ned so pressiert.

Jeden Tag kimmt eba daher und frogt,
Is de Lieferung scha da?
Aber immer ruhig bleiben
sonst hast bald nur no graue Haar.

I war heut a lieber,
mit meinem Grün-weißen DJK-Mantel da.
Könn ma grad hoffen,
das i ned zugnumma hab bis nächstes Jahr.

Über deine Verletzungen,
derma iatz heid nima sprecha,
i wia nämlich noch Stunden zoid
und des kann da Haida ned dablecha. (dablechen)

Desweng nutz de Zeit
und erhol di jetz guad,
weil an fitten Mario,
de Mannschaft dringend braucha duad.

Glück Sebastian

(Grade & Flo)

Auch den neuen Spieler,
hab ich beobacht.
Vom Stinki kimmt etz a Gschicht,
Leit gebts Obacht.

Du und da Mario,
fohds ins Training zu zwoat.
Aber bis es do hats,
de Mannschaft meistens scha wart.

Des Benzingeld, was ihr euch spart,
mit der Fahrgemeinschaft.
Das kommt dann gleich in die Spielerkasse
und freut auch die Mannschaft.

Aber des mit dem Zuspätkommen,
ist ned die einzige G'schicht.
Auch du lieber Basti,
verschohnt wirst du heute nicht.

Nach da Spielersitzung,
wirds ja oft amoi zum Sitzenbleim.
Da Mario musste fuad
aber du wolltest no ned heim.

Du host dann gsogt: „Mario,
dei Auto fahr i scha hoam.“
Hast aber na ned gwusst,
dass heid wird's zum Schwoam.

Es habts dann, sauba g'suffa
und vei g'lacht.
Aber um an Mario sei Auto
hast da kkoane Gedanken mehr gmacht.

Im Heisl is ganga ,
bis umara drei.
Aber dann seits no auf a Hoibe,
ins Monaco vorbei.

An Mario sei Auto,
des war dir Wurscht.
Am Freitag aufnocht,
hat ma hoid amoi an Durscht.

Am nächsten Vormittag,
hat da Mario sein Auto vermisst.
Aber wo des halt steht,
hat er ned gwisst.

Dass du mit'm Mario sein Auto,
nimmer g'fohn bist war guad.
Aber nächstes mal gibst erm Bescheid,
damit er sich nimma so obe duad.

Vogl Stefan

(Ostner)

Da Vogl Stefan
der guade Mo
der war heuer
zum Heiraten dro.

Und wie es sich so g'hört
wurd da jungesellenabschied sauba g'feiert,
So manch oana
hod sogar greiert.

Nach Nürnberg seids
ihr g'fohn mit'm Zug,
de Kasten war'n
leer wie im Flug.

Und wia sichs
in da Ehe so g'hört,
ham sich jetzt auch
die Vogls vermehrt

Da Stefan hod
aus Solidarität
seit dem keine
Mahlzeit verschmäht,

so dass er
als guter Ehemann
a scho hat an
kleinen Ranzen dran

Stadler Max

(Schaffelhuber & Roth)

An Biogasler
hamma a dabei,
Da Stadler Max
is an da Reih.

Über erm hob i
go ned so viel zum re'n,
weil im Training laßt a
se a ned sehn.

Im G'spei,
wenn er is do,
is er hoid oana
auf den ma se verlassn ko.

Werka und laufa mog er
a recht vui,
aber er des nur unter'm Spui.

Im letzten Training lossd er
se dann blicken,
Er hod gsogt
er will mal wieder kicken,

Doch der wirkliche
Grund dafür,
die Kabinenparty
stand vor der Tür.

Von da an wars
an jedem klar,
nua desweng is da Max
heid moi da.

Und wias Training
dann war vorbei,
is da Max glei
in Kabine nei .

I kann di oba
a versteh,
so a Kabinenparty
is hoid sche.

Trotz allem wärs fia di
ned schlecht,
wenn der Trainingseifer mehr
duacha mecht.

Des wars a scha
von mir an di,
spai weida mit
und glaub an di.

Sittinger Michael

(Grade & Flo)

Vo am echten Jaga,
i eich jetzt wos berichtet,
jetzt kimd nämlich,
an Sittinger Michael sei Gschicht.

A brutale Zech beim Wirt,
host du oft schnell beianand,
aber des Geld im Geldbeutel,
meistens nima glangd.

Seit neuestem die Zeche,
du nima per Scheine zoisd,
sondern da Bene einfach a paar Viecha,
bei dir obhoid.

Aber Miche jetzt muaß i,
scha amoi bled frong,
wo liegt denn do da Wechselkurs,
derfsd uns des song?

Aber in Zukunft werst du,
sowieso deine Deckel nimma bar zoin,
dafür duad hoid da Wirts' Bene,
eire ganzen Keibe abhoin.

Läng Alexander

(Mario)

Da Läng Alexander is iats
ois nächstes dran
Der is ja im allgemeinen
ganz a braver Mann.

Fleißig geht er sei Amt
als 2.Jugendleiter an
Und a beim Schreiner Vogl
duad er wos er kann

Jetzt hod er a Firmenauto griagt
des na fröhlich stimmt,
in ferrarirot, Ihr ahnts scha
wos kimmt

War er vor kurzem
mid a boa Leid im Casino
War er da Fahrer, des biet se ja o

Doch am nächsten Tag bei der Heimfahrt
zoagt er sei ganz potential
Hods na blitzt unsern Rennfahrer
oba ned minimal

Drum lieber Alex pass
beim nächsten Moi besser auf
Weil besser is, du fohsd langsam,
nimm des in kauf

Dass'd später Hoam kimmst stellt
ja koa Problem dar
und zum Renna fangsd lieber bei Ferrari
in da Formel 1 a

Roßdorf Björn

(Mario)

Da Roßdorf Björn,
allgemein Berne genannt,
auch der is scho a Zeit
im Freibachtalland

Im Training eher a seltener Gast,
da immer beschäftigt
doch am Sonntag is er da,
was er a immer bekräftigt

Des weiteren is da Berne
a lustigs Kerle,
deshalb passieren eam a des öfteren
verschiedene Malheure

Hod er vor a Zeit mid de Junga
ins Platinum miaßn,
do hodsna g'scheid g'strandsad
des war zum Schiaßn

Umara 3 dahoam,
scheint ois is ganz klar,
sternhagelnüchtern, visiert er
Haustür und Schlüsselloch a

Doch eine ins Loch find er
an dem Abend nimma
do leit ma bei seiner Chrissi,
de öffnet doch imma

Nur desmoi scheint's,
da ist doch was faul,
koaner mocht auf und friern
duads me wia dsau

Irgendwann sand dann
zwoa Leid zuara g'fohn
Dein Freund und Helfer
in grüner Uniform

Dene hosd du vosucht zu erklärn,
dass ned so schlimm is
Nur eine kimmst hoid ned
und des is hoid gwis.

Leitn soins besser ned
hosd erna dann no g'sogt,
weil die Laune deiner Frau
se sunst aweng plogt

Und als krönenden Abschluss
vo dem lustigen Ausflug
kriagt des Kappe vom Polizisten
no an gratis Freiflug.

Und di Moral von der Geschicht,
de Junga hoidns no aus
und da Björn leider nicht

Attenberger

(Schaffelhuber & Roth)

De zwoate hod
an neia Mann,
da Attenberger Martin
is jetzt dran.

A so schaud er immer
recht brav aus,
aber der schein trügt
jetz basds auf.

Beim Fuadgeh is er immer
vorn dabei;
oba wenss ums fohn geht
denkt a se, oh mei oh mei.

Dann druckt er se
no schnell a Hoibe nei,
dann is des Thema Fahrn
glei vorbei.

Beim Stänkern is er voi dabei,
oba a wenn eba Ärger hod
hilft a dem a glei.

Oft amoi wirds a
ganz sche knapp,
dass ma Angst hom muaß
dass eam eba Oane bappt.

Im Arnstorfer Volksfest
war er recht lang,
beim neia Edeka wollt er Dachdecken helfa
im Anschluss daran.

De Arbeiter hod des
ned recht gfreid,
wie er kema is und hod
gschmatzt recht gscheid.

S'Monaco gfoid eam
a recht guad,
drum geht er a do na ei
des duad erm guad.

Manchmoi wird's dann
sogar erm moi zvei,
dann liegt a se hi
und schnoacht recht schnai.

In Weigendorf war er a am Start,
do hods earm sogar moi
unterm Dringa damaht.

Doch des is für eam
goa koa Problem,
kurz darauf kann a wieder
Voigas gem.

De letzte Zeit war er
leider verletzt,
oba a von draußen hod er
auf de Mannschaft gsetzt.

Unterstützen duad er
s'Team oiwei,
des hör sogar i
des laude Geschrei.

Aber lass doch bitte
de Stänkerei,
des muas doch ja ned
oiwei sei.

Jetzt fixierst di amoi
auf de Fuaßboispaia,
dann bist vielleicht am Boi
a wengal schnella.

Pawo

(Grade & Flo)

s'Beste hab mir
für'n Schluss aufg'hebt
kennt's eich denga,
über wen i jetzt redd

(Pawo)

Ein älterer Spieler,
ja der is jetzt dro
Es wird eich wundern,
wos so ois passieren ko

Mitm Alter hoasts,
man wird imma g'scheida,
doch beim Pawo,
feids no a weng weida.

(Grade & Flo)

Am Heisl war wieda mal a Feier
und du hast as recht genossen.
Und hast dir mitm Gin-Cola,
die Lichter ausg'schossn.

Den Nicht-Abstieg darf man schon mal feiern,
da brauchst ja a koan frong.
Aber des war scho guad, Pawo,
des muaß i scho song.

Es war wie immer,
die Party ist schee glaufa,
aber des is ja klar,
wenn alle san am Saufa.

An dem Abend bist nima selber gfahrn,
des hod mi gfreid,
aber wer di dann hoamgfahrn hod,
hosd nima gwusst gscheid.

In solchen Fällen hat di schon oft,
die Wasche bracht heim,
bestimmt wird es dieses mal,
auch wieder so gewesen sein.

Dei Biene hat dir diese Geschichte,
am nächsten auch so geglaubt,
ihr zu sagen, du woast as ned,
hast di nämlich ned traut.

Lügen haben kurze Beine,
aber des brauche dir ja ned sagen ;)
D' Lehner Doris hat di nämlich heimgefahren
mit ihrem Wagen.

Auch bei der Kabinenparty,
du immer anwesend bist,
do gibt's immer viel zu Trinken.
Des hosd du scho gwisst.

Wia so a Kabinenparty oblauft,
des kann se a jeder denga,
deswegen könn ma uns de Details,
glei a moi schenga.

Ge, Oisse!?!?

Am nächstn Tag reissts di,
aber glei so ausm Bett.
Und gehst zur Celine,
und weckst sie ganz nett.

Du hast des Zeig hergricht
und ihr habts Frühstück gegessen,
nur de Zeit,
hast du a bissl vergessen.

„Warum ess ma mir heid so früh“,
hat dich dei Celine g'frogd.
„Es is doch jetzt erst hoibe 5e“,
hods dann glei no gsogt.

Du hast dann gmerkt,
dass du di sauber hosd verda,
es dauert ja na a bissl,
bis d' Schui geht a.

Do deards eich ned owi,
ois koa Problem,
wird se hoid nomoi a Stünderl
ins Bett nei leng.

(Pawo)

„Du Papa“, sagt aufamoi
d’Celine zu Dir,
I muaß die ganz Zeit
scho spekulier’,

Soll i wirkle in d’Schui
heid geh,
weil auf’m Kalender
duad Samstag steh.

Schluss

(Pawo)

So, meine Thanndorfer
das Ende ist in Sicht
das war alles, was meine
Engel haben gedicht

Jetzt muaß a moi
meine Verserlschreiber lo'm,
wie se de oiwei miaß'n
mit de Versel plong

Kriagt hob erst heid Mittag
die letzte G'schicht.
Von wem,
des sag i aber nicht

Ihr werd's vielleicht moana
des is da Haider is gwen,
aber der hod heuer
vo Haus aus ned meng

Heier warn a zwoa
ganz Junge dabei
i hoff', es hod earna Spaß g'macht
de Reimerei.

Alle ham wieder
schene Verserl g'macht,
wos hama do heit wieder
alle g'lacht.

Manche kamen guad weg,
andere eher schlecht,
aber i darf halt ned lügen,
a wenn i gern mecht

Manchmoi wars scho peinlich,
aber a wieder sche,
do muaß ma hoid
zu seine Fehler steh.

Aber dearts eich ned owe,
es is koa Schand
denn jeder bringt im Leb'n
so seine Stunt

Und weil des die letzten Jahre
hod goa ned funktioniert,
dass da Vorstand den Schreibern
an Gin-Cola serviert,

deards es heuer einfach
der Renate song
und Haider brauchts do
a goa ned frong

Äh, ja und,
bevor i's vergiss,
ebs, wos vo jedem
zum Einhalten is

Wenn oana mitkriagt
so a kloans Malheur
dann schreibs es auf
und schickt's es mir

Am besten per Mail,
des wär halt sche,
an Nikolaus ät DJK
minus Thanndorf de e

Nun wünsch ich euch wieder
alles Glück auf Erden
und dass Eure Wünsche in
Erfüllung gehen werden

Und lasst's die Weihnachtszeit
ned in Stress ausarten,
manche Sachen können a
bis nächst Jahr warten

Jetzt muaß i aber wieder
fort von hier,
aber keine Sorge,
es hört´s von mir,

Denn heute ist
nicht alle Tage,
ich komme wieder,
keine Frage.



Copyright © DJK Thanndorf e.V.
Thanndorf 2013

Gestaltung und Layout: Pawo

Dichter:
Flo, Grade, Hans, Mario, Ostner, Pawo, Roth, Schaffelhuber